

CINNEADH (CBES) 2021/2181 ÓN gCOMHAIRLE

an 9 Nollaig 2021

lena leasaítear Cinneadh 2010/788/CBES a bhaineann le bearta sriantacha i gcoinne Phoblacht Dhaonlathach an Chongó

TÁ COMHAIRLE AN AONTAIS EORPAIGH,

Ag féachaint don Chonradh ar an Aontas Eorpach, agus go háirithe Airteagal 29 de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 20 Nollaig 2010, ghlac an Chomhairle Cinneadh 2010/788/CBES ⁽¹⁾ a bhaineann le bearta sriantacha i gcoinne Phoblacht Dhaonlathach an Chongó (DRC).
- (2) An 12 Nollaig 2016, ghlac an Chomhairle Cinneadh (CBES) 2016/2231 ⁽²⁾ mar fhreagra ar na bacainní a cuireadh ar an bpróiseas toghchánaíochta in DRC agus ar na sáruithe ar chearta an duine a bhí bainteach leo. Le Cinneadh (CBES) 2016/2231 leasaíodh Cinneadh 2010/788/CBES agus tugadh isteach bearta sriantacha uathrialacha in Airteagal 3(2) de Chinneadh 2010/788/CBES.
- (3) Ar bhonn athbhreithniú a rinneadh ar na bearta sriantacha a leagtar amach in Airteagal 3(2) de Chinneadh 2010/788/CBES, agus i bhfianaise na sáruithe leanúnacha ar chearta an duine in DRC, ba cheart na bearta sin a athnuachan go dtí an 12 Nollaig 2022, agus ba cheart duine amháin a bhaint den liosta in Iarscríbhinn II a ghabhann leis an gCinneadh sin.
- (4) Ba cheart teideal Chinneadh 2010/788/CBES agus na forais don liostú a bhaineann le daoine áirithe a liostaítear in Iarscríbhinn II a ghabhann le Cinneadh 2010/788/CBES a leasú.
- (5) Dá bhrí sin, ba cheart Cinneadh 2010/788/CBES a leasú dá réir sin,

TAR ÉIS AN CINNEADH SEO A GHLACADH:

Airteagal 1

Leasaítear Cinneadh 2010/788/CBES mar a leanas:

- (1) cuirtear an méid seo a leanas in ionad an teidil:

‘Cinneadh 2010/788/CBES ón gComhairle an 20 Nollaig 2010 a bhaineann le bearta sriantacha i bhfianaise na staide i bPoblacht Dhaonlathach an Chongó’;

- (2) in Airteagal 9, cuirtear an méid seo a leanas in ionad mhír 2:

‘2. Beidh feidhm ag na bearta dá dtagraítear in Airteagal 3(2) go dtí an 12 Nollaig 2022. Déanfar iad a athnuachan, nó a leasú de réir mar is iomchuí, má mheasann an Chomhairle nár comhlíonadh a guspóirí.’;

- (3) Cuirtear an liosta a leagtar amach san Iarscríbhinn a ghabhann leis an gCinneadh seo in ionad an liosta a leagtar amach in Iarscríbhinn II a ghabhann le Cinneadh 2010/788/CBES.

*Airteagal 2*Tiocfaidh an Cinneadh seo i bhfeidhm ar dháta a fhoilsithe in *Iris Oifigiúil an Aontais Eorpaigh*.

⁽¹⁾ Cinneadh 2010/788/CBES ón gComhairle an 20 Nollaig 2010 a bhaineann le bearta sriantacha i gcoinne Phoblacht Dhaonlathach an Chongó agus lena n-aisghairtear Comhsheasamh 2008/369/CBES (IO L 336, 21.12.2010, lch. 30).

⁽²⁾ Cinneadh Cur Chun Feidhme (CBES) 2016/2231 ón gComhairle an 12 Nollaig 2016 lena leasaítear Cinneadh 2010/788/CBES a bhaineann le bearta sriantacha i gcoinne Phoblacht Dhaonlathach an Chongó (IO L 336I, 12.12.2016, lch. 7).

Arna dhéanamh sa Bhruiséil, 9 Nollaig 2021.

Thar ceann na Comhairle
An tUachtarán
A. HOJS

LIOSTA NA Ndaoine AGUS NA Neintiteas DÁ Dtagraítear IN AIRTEAGAL 3(2)

A. Daoine

	Ainm	Faisnéis aitheantais	Forais leis an liostú	Dáta an liostaithe
1	Ilunga KAMPETE	Ar a dtugtar freisin Gaston Hughes Ilunga Kampete; Hugues Raston Ilunga Kampete Dáta Breithe: 24.11.1964 Áit bhreithe: Lubumbashi, DRC Náisiúntacht: DRC Uimhir aitheantais mhíleata: 1 64-86-22311-29 Seoladh: 69, avenue Nyangwile, Kinsuka Mimosas, Kinshasa/Ngaliema, DRC Inscne: Fireann	Agus é ina Cheannasaí ar an Republican Guard (GR) go dtí mí Aibreáin 2020, bhí Ilunga Kampete freagrach as aonaid GR a imscaradh ar an talamh agus bhí baint aige le forneart agus cur faoi chois foréigineach a úsáid go díreireach i mí Mheán Fómhair 2016 in Kinshasa. Bhí sé freagrach freisin as cearta an duine a chur faoi chois agus as sárú ar chearta an duine a rinne gníomhairí GR, amhail slógadh den fhreasúra in Lubumbashi a chur faoi chois go foréigineach i mí na Nollag 2018. Ó mhí Iúil 2020, tá sé ina shaighdiúir ard chéimneach, mar Leifteanant Ginearálta i bhFórsaí Armtha an Chongó (FARDC) agus Ceannasaí bhunáit mhíleata Kitona i gCúige Chongó Láir. De bhua a fheidhmeanna, is air féin atá an fhreagracht as na sárúithe a rinne FARDC le déanaí ar chearta an duine. Dá bhrí sin, bhí baint ag Ilunga Kampete le gníomhartha a phleanáil, a stiúradh nó a dhéanamh arb ionann iad agus sárúithe nó mí úsáidí tromchúiseacha ar chearta an duine in DRC.	12.12.2016
2	Gabriel Amisi KUMBA	Ar a dtugtar freisin Gabriel Amisi Nkumba; 'Tango Fort'; 'Tango Four' Dáta Breithe: 28.5.1964 Áit bhreithe: Malela, DRC Náisiúntacht: DRC Uimhir aitheantais mhíleata: 1 64-87-77512-30 Seoladh: 22, avenue Mbenseke, Ma Campagne, Kinshasa/Ngaliema, DRC Inscne: Fireann	Iar-Cheannasaí ar chéad chríos cosanta Fórsaí Armtha an Chongó (FARDC), ar ghlac a fhórsaí páirt i bhforneart agus cur faoi chois foréigineach a úsáid go díreireach i mí Mheán Fómhair 2016 in Kinshasa. Ina cháil mar Leas-Cheann Foirne ar FARDC, bhí sé i gceannas ar na hoibríochtaí agus ar an bhfaisnéis ó mhí Iúil 2018 go dtí mí Iúil 2020, agus mar gheall ar a dhualgais shinsearacha mar Ardchigire ar FARDC ó mhí Iúil 2020, tá sé freagrach as na sárúithe ar chearta an duine a rinne FARDC le déanaí. Dá bhrí sin, bhí baint ag Gabriel Amisi Kumba le gníomhartha arb ionann iad agus sárúithe nó mí-úsáidí tromchúiseacha ar chearta an duine in DRC a phleanáil, a stiúradh nó a dhéanamh.	12.12.2016
3	Ferdinand Ilunga LUYOYO	Dáta Breithe: 8.3.1973 Áit bhreithe: Lubumbashi, DRC Náisiúntacht: DRC Uimhir phas DRC: OB0260335 (bailí ó 15.4.2011 go 14.4.2016)	Agus é ina Cheannasaí ar an aonad frithchíreibe, dá ngairtear <i>Légion Nationale d'Intervention</i> den Congolese National Police (PNC) go dtí 2017, agus mar Cheannasaí ar an aonad atá freagrach as institiúidí agus oifigigh ardchéime laistigh de PNC a chosaint go dtí mí na Nollag 2019, bhí Ferdinand Ilunga Luyoyo freagrach as forneart agus cur faoi chois foréigineach a úsáid go díreireach i mí Mheán Fómhair 2016 in Kinshasa, agus tá sé freagrach as na sárúithe ar chearta an duine a rinne an PNC ina dhiaidh sin.	12.12.2016

		Seoladh: 2, avenue des Orangers, Kinshasa/Gombe, DRC Inscne: Fireann	Dá bhrí sin, bhí baint ag Ferdinand Ilunga Luyoyo le gníomhartha a phleanáil, a stiúradh nó a dhéanamh arb ionann iad agus sáruithe nó mí-úsáidí tromchúiseacha ar chearta an duine in DRC. Choinnigh Ferdinand Ilunga Luyoyo a chéim mar Ghinearál agus tá sé gníomhach fós ar an ardán poiblí in DRC.	
4	Célestin KANYAMA	Ar a dtugtar freisin Kanyama Tshisiku Celestin; Kanyama Celestin Cishiku Antoine; Kanyama Cishiku Bilolo Célestin; 'Esprit de mort' Dáta Breithe: 4.10.1960 Áit bhreithe: Kananga, DRC Náisiúntacht: DRC Uimhir phas DRC: OB0637580 (bailí ó 20.5.2014 go 19.5.2019) Viosa Schengen uimh. 011518403, a eisíodh an 2.7.2016 Seoladh: 56, avenue Usika, Kinshasa/Gombe, DRC Inscne: Fireann	Agus é ina Choimisinéir an Congolese National Police (PNC), bhí Célestin Kanyama freagrach as forneart agus cur faoi chois foréigheach a úsáid go díreireach i mí Mheán Fómhair 2016 in Kinshasa. I mí Iúil 2017, ceapadh Célestin Kanyama mar Ard-Stiúrthóir ar scoileanna oiliúna an PNC. I mí Dheireadh Fómhair 2018, agus é sa phost sin, d'fhorchuir oifigigh phóilíneachta imeaglú agus díothú na saoirse ar iriseoirí tar éis foilsiú sraithe alt maidir le míleithreasú chiondálacha na ndaltaí póilíneachta. Bhí ról ag Célestin Kanyama sna himeachtaí sin. Agus an ról sin mar oifigeach sinsearach in PNC a bheith aige, agus atá fós aige inniu, tá freagracht air as na sáruithe a rinne PNC le déanaí ar chearta an duine. Dá bhrí sin, bhí baint ag Célestin Kanyama le gníomhartha a phleanáil, a stiúradh nó a dhéanamh arb ionann iad agus sáruithe nó mí-úsáidí tromchúiseacha ar chearta an duine in DRC.	12.12.2016
5	John NUMBI	Ar a dtugtar freisin John Numbi Banza Tambo; John Numbi Banza Ntambo; Tambo Numbi Dáta Breithe: 16.8.1962 Áit bhreithe: Jadotville-Likasi-Kolwezi, DRC Náisiúntacht: DRC Seoladh: 5, avenue Oranger, Kinshasa/Gombe, DRC Inscne: Fireann	Bhí John Numbi ina Ard-Chigire ar Fhórsaí Armtha an Chongó (FARDC) ó mhí Iúil 2018 go dtí mí Iúil 2020. Agus an ról sin a bheith aige, tá freagracht air as na sáruithe a rinne FARDC ar chearta an duine idir mí Iúil 2018 agus mí Iúil 2020, amhail an foréigean díreireach a d'úsáid FARDC faoina údarás díreach ar mhianadóirí neamhdhleathacha ó mhí an Mheithimh go dtí mí Iúil 2019. Dá bhrí sin, bhí baint ag John Numbi le gníomhartha a phleanáil, a stiúradh nó a dhéanamh arb ionann iad agus sáruithe nó mí-úsáidí tromchúiseacha ar chearta an duine in DRC. Go dtí tús na bliana 2021, bhí seasamhag John Numbi ina raibh tionchar aigéin FARDC, go háirithe in Katanga, áit ar tuairiscíodh go ndearna FARDC sáruithe tromchúiseacha ar chearta an duine. Tá John Numbi fós ina bhagairt do staid chearta an duine in DRC, go háirithe in Katanga.	12.12.2016

6	Evariste BOSHAB	Ar a dtugtar freisin Evariste Boshab Mabub Ma Bileng Dáta Breithe: 12.1.1956 Áit bhreithe: Tete Kalamba, DRC Náisiúntacht: DRC Uimhir an phas taidhleoireachta: DP0000003 (bailí ó 21.12.2015 go dtí 20.12.2020) Víosa Schengen in éag an 5.1.2017 Seoladh: 3, avenue du Rail, Kinshasa/Gombe, DRC Inscne: Fireann	Ina cháil mar Leas-Phríomh-Aire agus ina Aire Gnóthaí Baile agus Slándála ó mhí na Nollag 2014 go dtí mí na Nollag 2016, bhí Evariste Boshab freagrach go hoifigiúil as na seirbhísí póilíneachta agus slándála agus as comhordú a dhéanamh ar obair gobharnóirí cúigeacha. Sa cháil sin, bhí sé freagrach as gníomhaithe agus comhaltaí den fhreasúra a ghabháil, chomh maith le leas díreireach a bhaint as forneart, lena n-áirítear idir mí Mheán Fómhair 2016 agus mí na Nollag 2016 mar fhreagairt ar léirsithe in Kinshasa, agus an toradh air gur mharaigh nó gur ghortaigh seirbhísí slándála líon mór sibhialtach. Is amhlaidh mar sin go raibh baint ag Evariste Boshab le gníomhartha a phleanáil, a stiúradh nó a dhéanamh arb ionann iad agus sárúithe nó mí úsáidí tromchúiseacha ar chearta an duine in DRC. Bhí baint ag Evariste Boshab freisin leis an ngéarchéim i réigiún Kasai a dhúshaothrú agus le cur léi, réigiún ina bhfuil seasamh aige ina bhfuil tionchar aige i gcónaí, go háirithe ó ceapadh ina Sheanadóir ar Kasai é i mí Mhárta 2019.	29.5.2017
7	Alex Kande MUPOMPA	Ar a dtugtar freisin Alexandre Kande Mupomba; Kande Mupomba Dáta Breithe: 23.9.1950 Áit bhreithe: Kananga, DRC Náisiúntacht: DRC agus Beilgeach Uimhir phas DRC: OP0024910 (bailí ó 21.3.2016 go 20.3.2021) Seoltaí: Messidorlaan 217/25, 1180 Uccle, Belgium 1, avenue Bumba, Kinshasa/Ngaliema, DRC Inscne: Fireann	Agus é ina Ghobharnóir ar Kasai Láir go dtí mí Dheireadh Fómhair 2017, bhí Alex Kande Mupomba freagrach as an úsáid dhíreireach a bhain fórsaí slándála agus Póilíní Náisiúnta an Chongó (PNC) as forneart, cur faoi chois foréigneach agus maruithe seachbhreithiúnacha in Kasai Láir ó mhí Lúnasa 2016, lena n-áirítear maruithe ar chríoch Dibaya i mí Feabhra 2017. Is amhlaidh mar sin go raibh baint ag Alex Kande Mupomba le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC. Bhí baint ag Alex Kande Mupomba freisin leis an ngéarchéim i réigiún Kasai a dhúshaothrú agus le cur léi, áit a raibh sé ina ionadaí go dtí mí Dheireadh Fómhair 2019 agus ina bhfuil seasamh aige ina bhfuil tionchar aige i gcónaí tríd an Congrès des alliés pour l'action au Congo (CAAC), atá ina chuid de rialtas cúigeach Kasai.	29.5.2017
8	Éric RUHORIMBERE	Ar a dtugtar freisin Eric Ruhorimbere Ruhanga; 'Tango Two'; 'Tango Deux' Dáta Breithe: 16.7.1969 Áit bhreithe: Minembwe, DRC Náisiúntacht: DRC	Agus é ina Leas-Cheannasaí ar an 21ú réigiún míleata ó mhí Mheán Fómhair 2014 go dtí mí Iúil 2018, bhí Éric Ruhorimbere freagrach as úsáid dhíreireach fornirt agus as maruithe seachbhreithiúnacha a rinne Fórsaí Armtha an Chongó (FARDC), go háirithe i gcoinne mhílíste Nsapu agus i gcoinne ban agus leanaí. Tá Éric Ruhorimbere ina Cheannasaí ar earnáil oibríochtúil an Nord Equateur ó mhí Iúil 2018. Agus an ról sin a bheith aige, tá freagracht air as na sárúithe a rinne FARDC le déanaí ar chearta an duine.	29.5.2017

		Uimhir aitheantais mhíleata: 1 69-09-51400-64 Uimhir phas DRC: OB0814241 Seoladh: Mbujimayi, Kasai Province, DRC Inscne: Fireann	Is amhlaidh mar sin go raibh baint ag Éric Ruhorimbere le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.	
9	Emmanuel Ramazani SHADARY	Ar a dtugtar freisin Emmanuel Ramazani Shadari Mulanda; Shadary Dáta Breithe: 29.11.1960 Áit bhreithe: Kasongo, DRC Náisiúntacht: DRC Seoladh: 28, avenue Ntela, Mont Ngafula, Kinshasa, DRC Inscne: Fireann	Agus é ina Vice Prime Minister and Minister of Interior and Security go dtí mí Feabhra 2018, bhí Emmanuel Ramazani Shadary freagrach go hoifigiúil as na seirbhísí póilíneachta agus slándála agus as comhordú a dhéanamh ar obair gobharnóirí cúigeacha. Sa cháil sin, bhí sé freagrach as gníomhaithe agus comhaltaí den fhreasúra a ghabháil, chomh maith le forneart a úsáid go díreireach, amhail cniogbheartaíocht fhoréigneach ar chomhaltaí den ghluaiseacht Bundu Dia Congo (BDK) in Kongo Láir, as an gcur faoi chois in Kinshasa ó mhí Eanáir go mí Feabhra 2017 agus as forneart agus cur faoi chois foréigneach a úsáid go díreireach i gcúigí Kasai. Sa cháil sin, dá bhrí sin, bhí baint ag Emmanuel Ramazani Shadary le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC. Ó mhí Feabhra 2018, tá Emmanuel Ramazani Shadari ina permanent secretary of the <i>Parti du peuple pour la reconstruction et le développement</i> (PPRD), arbh é, go dtí mí na Nollag 2020, an príomhpháirtí sa chomhghuaillíocht faoin iarUachtarán Joseph Kabila.	29.5.2017
10	Kalev MUTONDO	Ar a dtugtar freisin Kalev Katanga Mutondo; Kalev Moton; Kalev Mutundo; Kalev Mutoid; Kalev Mutombo; Kalev Mutond; Kalev Mutondo Katanga; Kalev Mutund Dáta Breithe: 3.3.1957 Náisiúntacht: DRC Uimhir phas DRC: DB0004470 (bailí ó 8.6.2012 go 7.6.2017) Seoladh: 24, avenue Ma Campagne, Kinshasa, DRC Inscne: Fireann	Agus é ina Cheannasaí na Seirbhíse Náisiúnta Faisnéise (ANR) go dtí mí Feabhra 2019, bhí baint ag Kalev Mutondo le comhaltaí den fhreasúra, gníomhaithe sa tsochaí sibhialta agus daoine eile a ghabháil go treallach agus a choinneáil agus le drochíde a thabhairt dóibh agus bhí sé freagrach as an méid sin. Dá bhrí sin, bhí baint ag Kalev Mutondo le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC. I mí na Bealtaine 2019, shínigh sé dearbhú maidir le dílseacht san am atá caite agus sa todhchaí do Joseph Kabila, agus tá sé mór leis i gcónaí. Go dtí luath sa bhliain 2021, bhí tionchar mór polaitiúil ag Kalev Mutondo ina ról mar 'chomhairleoir polaitiúil' do Phríomh-Aire DRC. Líomhnaítear go bhfuil tionchar fós aige i gcodanna áirithe de na fórsaí slándála.	29.5.2017

B. Eintitis”